



Дәрігерге дейінгі медициналық көмек көрсету қағидаларын бекіту туралы
Қазақстан Республикасы Денсаулық сақтау министрінің 2020 жылғы 30 қарашадағы № ҚР ДСМ-223/2020 бұйрығы. Қазақстан Республикасының Әділет министрлігінде 2020 жылғы 3 желтоқсанда № 21721 болып тіркелді

"Халық денсаулығы және денсаулық сақтау жүйесі туралы" Қазақстан Республикасының 2020 жылғы 7 шілдедегі Кодексі 122-бабының 2-тармағына сәйкес **БҰЙЫРАМЫН**:

1. Осы бұйрыққа қосымшаға сәйкес Дәрігерге дейінгі медициналық көмек көрсету қағидалары бекітілсін.

2. Қазақстан Республикасы Денсаулық сақтау министрлігінің Медициналық көмекті ұйымдастыру департаменті Қазақстан Республикасының заңнамасында белгіленген тәртіппен:

1) осы бұйрықты Қазақстан Республикасы Әділет министрлігінде мемлекеттік тіркеуді;

2) осы бұйрықты Қазақстан Республикасы Денсаулық сақтау министрлігінің интернет-ресурсында орналастыруды;

3) осы бұйрықты мемлекеттік тіркегеннен кейін он жұмыс күні ішінде Қазақстан Республикасы Денсаулық сақтау министрлігінің Заң департаментіне осы тармақтың 1) және 2) тармақшаларында көзделген іс-шаралардың орындалуы туралы мәліметтерді ұсынуды қамтамасыз етсін.

3. Осы бұйрықтың орындалуын бақылау жетекшілік ететін Қазақстан Республикасының Денсаулық сақтау вице-министріне жүктелсін.

4. Осы бұйрық алғашқы ресми жарияланған күнінен кейін күнтізбелік он күн өткен соң қолданысқа енгізіледі.

Қазақстан Республикасы
Денсаулық сақтау министри

A. Цой

Қазақстан Республикасы
Денсаулық сақтау министри
2020 жылғы 30 қарашасы
№ ҚР ДСМ-223/2020
бұйрығымен бекітілген

Дәрігерге дейінгі медициналық көмек көрсету қағидалары

1-тарау. Жалпы ережелер

1. Осы Дәрігерге дейінгі медициналық көмек көрсету қағидалары (бұдан әрі – қағидалар) "Халық денсаулығы және денсаулық сақтау жүйесі туралы" Қазақстан Республикасының 2020 жылғы 7 шілдедегі Кодексі 122-бабының 2-

тармағына сәйкес әзірленді және дәрігерге дейінгі медициналық көмек көрсету тәртібін айқындайды.

2. Осы қағидаларда пайдаланылатын негізгі ұғымдар:

1) дәрігерге дейінгі медициналық көмек – орта медицина қызметкерлері өз бетінше немесе денсаулықты насиҳаттауды, пациенттің жай-күйін бағалауды, дәрігерге дейін диагноз қоюды, дәрігерге дейінгі араласу жоспарын тағайындауды, дәрігерге дейінгі манипуляциялар мен емшараларды орындауды және науқастарға, мүгедектер мен хал үстіндегі адамдарға күтімді қамтитын мультипәндік команда құрамында көрсететін медициналық көмек;

2) медициналық-санитариялық алғашқы көмек – адам, отбасы және қоғам деңгейінде көрсетілетін, аурулар мен жай-күйлердің профилактикасын, диагностикасын, оларды емдеуді қамтитын, халықтың мұқтажына бағдарланған медициналық көмекке алғашқы қол жеткізу орны.

2-тарау. Дәрігерге дейінгі медициналық көмек көрсету тәртібі

3. Дәрігерге дейінгі медициналық көмекті аурулар кезінде немесе дәрігердің қатысуын талап етпейтін жағдайларда орта медицина қызметкерлері (учаскелік мейіргер (жалпы практика мейіргері), фельдшер, акушер) көрсетеді.

4. Дәрігерге дейінгі медициналық көмек көрсетілетін жай-күйлер:

- 1) жаракаттану;
- 2) қан кету;
- 3) электр тогымен зақымдану;
- 4) сыну;
- 5) буын шығу;
- 6) соғып алу;
- 7) байламдардың созылуы;

8) бас сүйегінің сынуы (белгілері: құлақ пен ауыздан қан кету, ессіз жай-күй) және мидың шайқалуы (белгілері: бас ауыруы, жүрек айнуы, құсу, естен тану);

9) омыртқаның зақымдануы (белгілері: омыртқаның өткір ауыруы, арқаны бұғу және бұрылу мүмкіндігінің болмауы);

- 10) күйік;
- 11) ыстық және күн тию;
- 12) тамақтан улану;
- 13) ұсу;
- 14) ағзалар мен тіндерге бөгде денелердің тұсуі;
- 15) жәндіктердің (бал аралар, ара) тістеуі немесе шағып алуы;
- 16) суға кетіп қалу.

5. Зардап шегушіге дәрігерге дейінгі медициналық көмек көрсету кезінде:

1) зардап шеккен адамның ағзасынан қауіпті және зиянды факторлардың әсерін жою (оны электр тогының әсерінен босату, жанып жатқан киімді сөндіру, судан шығару);

2) зардап шегушінің жағдайын бағалау;

3) зардап шегушінің өміріне неғұрлым үлкен қатер төндіретін жарақаттың сипатын және оны құтқару жөніндегі іс-қимылдардың дәйектілігін айқындау болып табылады;

4) шұғыл тәртіpte зардап шегушіні құтқару бойынша қажетті іс-шараларды орындау;

5) мамандар келгенге дейін зардап шегушінің негізгі өмірлік функцияларын қолдау;

6) жедел медициналық көмекті немесе дәрігерді шақыру не болмаса зардап шегушіні жақын жердегі медициналық ұйымға тасымалдау үшін шаралар қолдану.

6. Медициналық-санитариялық алғашқы көмек мамандары келгенге дейін дәрігерге дейінгі медициналық көмек көрсету үшін:

1) жарақаттану кезінде:

қолды жуу немесе саусақтарға йод жағу;

жараның айналасындағы терідегі кірді абайлап алу, терінің тазартылған жеріне йод жағу;

дәрі қобдишасындағы таңу пакетін оның орауышында басылған нұсқауға сәйкес ашу;

таңу материалын салу кезінде оның тікелей жарақатқа салынатын бөлігіне қол тигізбеу;

таңу үшін таза орамал, матаны пайдалану;

жарақаттан үлкенірек дақ алу үшін йод тамызу, жарақатқа мата салу қажет; мыналарға:

жарақатты сумен немесе қандай да бір дәрілік затпен жуып, оған ұнтақ сеуіп, жақпа маймен майлауға;

жарақаттан құмды, топырақты алып тастауға;

жарақаттан ұйыған қанды, киім қалдықтарын алып тастауға;

жарақатты оқшаулағыш таспамен орауға, сіреспе жүқтүруды болдырмау үшін оларға тор салуга жол берілмейді;

2) ішке қан кету (сыртқы келбеті бозарған, теріден жабысқақ тер шығады, тыныс алуды жиі, үзіп-үзіп, қан жай толғаннан пульсі жиі) кезінде:

зардап шегушіні жатқызу немесе оны жартылай отырғызу;

толық тыныштықты қамтамасыз ету қажет;

қан кетудің болжамды орнына "сұық" қою;
дәрігерді немесе медицина қызметкерін жедел шақыру қажет;
егер ішперде қуысы ағзаларының зақымдануына қудік болса, зардал шегушіге су беруге болмайды;

3) сыртқы көп емес қан кету кезінде:

жарақаттың айналасындағы теріге йод жағу;
жарақатқа тану материалын, мақтаны салып тығыз тану;
егер қан кету жалғаса берсе салынған тану материалды алып тастамай, үстіне қосымша дәке, мақта салып, тығыз таңып тастау қажет;

4) қатты қан кету кезінде:

жарақаттың орнына байланысты тез тоқтату үшін артерияларды жарақаттың үстіндегі сүйекке қан ағымы арқылы ең тиімді жерлерде басыңыз (самайлық артериясы; шүйде артериясы; ұйқы артериясы; бұғанаасты артериясы; қолтық артериясы; иық артериясы; кәріжілік артериясы; шынтақжілік артериясы; сан артериясы; сан ортасындағы сан артериясы; тақым артериясы; табанның сырт жақ артериясы; артқы үлкен жіліншік артериясы);

жараланған аяқ-қолдан қатты қан кеткенде, егер бұл аяқ-қол сынбаған болса, оны жарақат алған жерден жоғары буындарды бұту қажет. Бұту кезінде пайда болған тесікке мақта, дәке салу, буынды әбден бұту және буынның бугілген жерін белбеумен, орамалмен, материалдармен байлап тастау қажет;

жараланған аяқ-қолдан қатты қан кеткен кезде жараның үстіне (денеге жақын) жгут салу, жгут салынған жерге жұмсақ тәсеммен аяқ-қолды (дәке, орамал) орау қажет. Қан кететін тамырды жақын сүйекке алдын ала саусақпен басу қажет. Егер тамыр пульсациясы оны салған жерден төмен анықталмаса онда жгут дұрыс салынды, аяқ-қол бозарады. Жгут созу (серпімді арнайы жгут) және бұрау (галстук, бұралған орамал, сұлгі) арқылы салынуы мүмкін;

жгут салынған зардал шегушіні медициналық мекемеге мүмкіндігінше тезірек жеткізу қажет.

Жол берілмейді:

жгутты тым қатты тартуға, өйткені бұлшықетке зақым келіп, нерв талышқтарын қысып, аяқ-қолдың салдануын тудыруы мүмкін;

жылды уақытта жгутты 2 сағаттан артық, ал сұық кезде - 1 сағаттан артық салуға, өйткені ол тіндердің жансыздану қаупіне әкелуі мүмкін. Егер жгутты ұзақ қалдыру қажет болса, оны қан кету орнынан жоғары жерінен саусағызызben басқаннан кейін оны 10-15 минутқа алып, содан кейін терінің жаңа жерлеріне қайта салу қажет.

5) Электр тогымен зақымдану кезінде:

зардап шегушінің электр тогының әсерінен босату;

егер электр қондырғысын тез ажырату мүмкіндігі болмаса, зардап шегушінің ток өткізгіш бөліктерден ажырату шараларын қолдану қажет. Ол үшін: электр тогын өткізбейтін кез келген құрғақ затты (таяқ, тақтай, арқан) пайдалану қажет; зардап шегушінің ток өткізгіш бөліктерден ажырату үшін оның жеке киімінен тарту қажет, егер ол құрғақ және денеден қалып қойатын болса; сымды құрғақ ағаш сабы бар балтамен шабу қажет; электр тогын өткізетін затты құтқарушының қолымен жанасатын жерге құрғақ затпен, киізбен орап пайдалану қажет;

зардап шегушінің қауіпті аймақтан ток өткізгіш бөліктен (сымнан) кемінде 8 метр қашықтықта шығару қажет;

зардап шегушінің жағдайына сәйкес дәрігерге дейінгі алғашқы көмек көрсету, оның ішінде реанимациялық (жасанды тыныс алу және жанама жүрек массажы). Зардап шегушінің субъективті көңіл-күйіне қарамастан, оны емдеу мекемесінә жеткізу қажет;

жол берілмейді:

электр тогынан зардап шегушіге көмек көрсету кезінде жеке қауіпсіздік шараларын ұмытпау қажет. Ток өткізгіш бөлігі (сым) жерде орналасқан аумақта ерекше сақтықпен қозғалу қажет. Жерге түйікталу тогының таралу аймағында жерден оқшаулауға арналған қорғаныс құралдарын (диэлектрлік қорғаныс құралдары, құрғақ тақтайлар) қолдана отырып немесе қорғаныс құралдарын қолданбай, жерден аяғыныздың табаның бір-бірінен ажыратпай жылжытуына жол берілмейді.

6) сынулар кезінде:

зардап шегушінің сынған сүйегіне иммобилизация (тыныштық жасау) жасау қажет;

ашық сынықтар кезінде қан кетуді тоқтату үшін стерильді таңғышты салу қажет;

жақтау салу қажет (стандартты немесе қолда бар материалдан жасалған - фанералар, тақтайлар, таяқшалар). Егер сынған жерге иммобилизация жасайтын заттар болмаса, ол жерді дененің сау бөлігіне (закымдалған қолды кеудеге, закымдалған аяқты сау аяққа) таңу қажет;

жабық сынық болған кезде жақтау салынған жерде киімнің жүқа қабатын қалдыру қажет. Киімнің немесе аяқ киімнің қалған қабаттарын зардап шегушінің жағдайын нашарлатпай алып таставу (мысалы, кесу) қажет;

ауырсынуды азайту үшін сынық орнына сұық басу қажет;

зардап шегушіні тасымалдау және медициналық персоналға беру кезінде дененің зақымдалған бөлігінің тыныштығын сақтай отырып, медициналық мекемеге жеткізу қажет;

егер зардап шегушіден киім мен аяқ киімді табиғи тәсілмен шешу кезінде сынық орнына қосымша физикалық әсер (қысу, басу) әкелетін болса, онда тыйым салынады.

7) буын шығуы кезінде:

жактау (стандартты немесе қолда бар материалдан жасалған) көмегімен зақымдалған бөліктің толық қозғалмауын қамтамасыз ету қажет;

жарақат орнына "сүйк" басу қажет;

зардап шегушіні емдеу мекемесіне иммобилизацияны қамтамасыз ете отырып жеткізу қажет;

медицина қызметкеріне буын шығуын түзетуге рұқсат етіледі.

8) соғып алу кезінде:

соғып алған жерде тыныштық жасау;

соғып алған жерге "сүйк" басу;

тығыз таңу салу қажет;

соғып алған жерге йод жағуға, ыскылауға және жылдыту компресс салуға тыйым салынады;

9) байламдар созылған кезінде:

жарақатталған аяқ-қолды тығыз таңып және оған тыныштық қамтамасыз ету қажет;

жарақаттану орнына "сүйк" басу қажет;

қан айналымын қамтамасыз ету үшін (жарақатталған аяқты көтеру, зақымдалған қолды орамалмен мойынға іліп қою) жағдай жасау қажет;

жарақатталған орынды жылдытуға әкелетін емшараларды жасауға тыйым салынады.

10) бас сүйегінің сынуы (белгілері: құлақ пен ауыздан қан кету, ессіз жай-күй) және мидың шайқалуы (белгілері: бас ауыруы, жүрек айнуы, құсу, естен тану) кезінде:

жағдайдың зиянды әсерін жою (аяз, ыстық, жолдың жүріс бөлігінде болу) қажет;

зардап шегушіні қауіпсіз тасымалдау қағидаларын сақтай отырып, жайлыш орынға ауыстыру қажет;

зардап шегушіні арқасына жатқызып, құсу пайда болған жағдайда басын бір жағына бұру қажет;

басты екі жағынан киімнен жасалған валиктермен бекіту қажет;

тілдің жұтуына байланысты тұншығу пайды болған кезде, тәменгі жақты алға қарай тартып, оны осы күйде ұсташа қажет;

жарақат болған жағдайда тығыз стерильді таңғыш салу қажет;

"сүйк" басу қажет;

дәрігер келгенге дейін толық тыныштықты қамтамасыз ету қажет;

медицина қызметкерлерін шақыру, білікті медициналық көмек көрсету үшін тиісті тасымалдауды қамтамасыз ету қажет;

мыналарға:

зардал шегушіге қандай да бір дәрі беруге;

зардал шегушімен сөйлесуге;

зардал шегушінің тұрып, қозгалуына жол берілмейді;

11) омыртқаның зақымдануы кезінде (белгілері: омыртқаның өткір ауыруы, арқаны бұғы және бұрылу мүмкіндігінің болмауы):

зардал шегушінің көтермей абайлап оның арқасының астына кең тақтайды немесе функциясы ұқсас затты салу немесе зардал шегушінің бетін тәмен қаратып бұрып және оның денесі ешқандай жағдайда бүгілмеуін (жұлынның зақымдалуын болдырмау үшін) қатаң қадағалау қажет;

омыртқа бұлшықеттеріне кез келген жүктемені болдырмау қажет;

толық тыныштықты қамтамасыз ету қажет;

мыналарға:

зардал шегушінің бүйіріне бұруға, отырғызуға, аяқта тұрғызуға;

жұмсақ, иілгіш тәсекке жатқызуға жол берілмейді;

12) күйік кезінде:

I дәрежелі күйік кезінде (терінің қызаруы және ауыруы) күйген жердегі киім мен аяқ киімді кесіп, абайлап шешіп, күйген орынды спиртпен, калий перманганатының сүйық ерітіндісімен суытатын және дезинфекциялайтын сүйық дәріге малып ауырған жерге тарту, содан кейін емдеу мекемесіне хабарласу қажет;

II, III және IV дәрежелі күйіктер кезінде (көпіршіктер, терінің және терең жатқан тіндердің жансыздануы) құрғақ стерильді таңғыш салу, терінің зақымданған жерін таза матаға, жаймаға орау, дәрігерлік көмекке жүгіну қажет. Егер күйген киім бөліктері күйген теріге жабысып қалса, олардың ұстіне стерильді таңғыш тану қажет;

зардал шегушіде шок белгілері болған кезде оған валериан тұнбасының 20 тамшысын немесе басқа ұқсас затты ішкізу қажет;

көз күйген кезде бор қышқылының ерітіндісінен салқын лосьондар (бір стакан суға жарты шай қасық қышқыл) жасау қажет;

химиялық күйік кезінде зардап шеккен аймақты сумен жуу, оны бейтараптандыратын ерітінділермен өндеу: қышқылмен күйген кездे - ас содасының ерітіндісі (бір стакан суға 1 шай қасық); сілтімен күйген кезде - бор қышқылының ерітіндісі (бір стакан суға 1 шай қасық) немесе сірке қышқылының ерітіндісі (жартылай сумен сұйылтылған асхана сірке суы);

жол берілмейді:

терінің күйген жерлерін қолмен ұстауға немесе оларды жақпа, май құралдармен майлауға;

көпіршіктерді ашуға;

күйдірілген жерден жабысқан заттарды, материалдарды, кірді, мастиканы, киімді алыш тастауға жол берілмейді;

13) ыстық және күн тиу кезінде:

зардап шегушіні салқын жерге апару;

арқасына жатқызып, бас астына түйіншек (киімнен де жарайды) салу;

тыныс алуды шектейтін киімді ашу немесе шешу;

басы мен қеудесін суық сумен сулау;

көптеген тамырлар шоғырланған (мандай, париетальды аймак) терінің бетіне суық басу;

егер адамның есі сақталған болса, суық шай, суық тұзды су ішікізу;

егер тыныс алу бұзылса және пульс болмаса, жасанды дем беру және жүректің сыртқы массажын жасау;

тыныштықты қамтамасыз ету;

жедел жәрдем шақыру немесе зардап шегушіні (денсаулығының жай – күйінк қарай) медициналық мекемеге жеткізу қажет;

зардап шегушіні жедел жәрдем келгенге дейін және оны медициналық ұйымға жеткізгенге дейін қараусыз қалдыруға тыйым салынады;

14) тاماқтан улану кезінде:

құсады шақыра үшін зардап шегушіге кемінде 3-4 стакан су мен калий перманганатының қызғылт ерітіндісін ішкізу;

асқазанды шаюды бірнеше рет қайталау;

зардап шегушіге белсендерілген көмір беру;

жылы шай беріп, төсекке жатқызып, жылы жабу (медицина персоналы келгенге дейін);

тыныс алу және қан айналымы бұзылған жағдайда жасанды тыныс алуды және жүректің сыртқы массажын жасауға кірісу қажет;

зардап шегушіні жедел жәрдем келгенге дейін және оны медициналық ұйымға жеткізгенге дейін қараусыз қалдыруға тыйым салынады.

15) ұсу кезінде:

шамалы тоңған кезде тамырлардың тарылуын жою үшін (тері жамылғысының зақымдану ықтималдығын, оның жарақаттануын болдырмай) тоңған аймақты дереу ысқылап, жылыту;

зардап шегуші үй-жайдың ішінде болған жағдайда сезімталдықты жоғалтқан, тері жабыны ағарған дененің қатты тоңған бөліктерін тез жылытуға жол бермеу, зақымданған жабындарға жылу оқшаулағыш таңғыштарды (мақта-дәке, жұн) пайдалану;

тоңған қолдардың, аяқтардың, дene корпусының қозғалмауын қамтамасыз ету (ол шинаның қолдануға болады);

жылу оқшаулағыш таңғышты жылу сезімі пайда болғанша және үсік шалған терінің сезімталдығы қалпына келгенше дейін қалдырып, содан кейін ыстық тәтті шай беру;

дененің жалпы салқындауы кезінде зардап шегушіні жылу оқшаулағыш таңғыштар мен құралдарды (оның ішінде, мұзданған аяқ киімді шешпеу қажет, аяғын мақтамен орауға болады және басқалары) қолдана отырып, жақын мандағы емдеу мекемесіне жедел жеткізу қажет;

пайда болған көпіршіктерді ашуға немесе тесуге болмайды, бұл іріндеу процесін тудыруы мүмкін;

16) ағзалар мен тіндерге бөгде денелер түскен кезінде:

егер бөтен денені толық және ауыр зардаптарсыз, онай алып тастай алатындығыңызға сенімді болсаңыз, оны жасап көріңіз;

17) адам суға кеткен кезде:

ойланып, сабырлы және абайлап әрекет ету;

көмек көрсетуші өзі жақсы жүзеді және сұнгіді, зардап шегушіні тасымалдау тәсілдерін біледі, оны қармауынан босатылып шығуды білгені жөн;

жедел жәрдемді немесе дәрігерді шұғыл шақыру;

мүмкіндігінше ауыз берін жұтқыншақты тез тазалау (ауызды ашу, түскен құмды алып тастау, тілді абайлап тарту және ұштарын бастың артқы жағына байлайтын таңғышпен немесе орамалмен иекке бекіту);

тыныс алу жолдарынан суды кетіру (зардап шегушіні ішіне тізесін бүктіріп, басы мен аяғын төмен қарай салбырату; арқасын ұрғылау қажет);

егер суды кетіргеннен кейін зардап шегуші ессіз жай-күйде болса, үйқы артерияларында пульс болмаса, дем алмаса, жасанды дем беруге және жүректің сыртқы массажын жасауға көшіңіз. Тыныс алу толық қалпына келтірілгенге дейін жүргізу қажет немесе дәрігер жариялайтын өлімнің айқын белгілері пайда болған кезде тоқтату;

тыныс алуды жана санам - есі қалпына келгеннен кейін үстін орап, жылдытып, ыстық қою кофе, шай ішкізу қажет (ересек адамға 1-2 ас қасық арақ берініз);

дәрігер келгенге дейін толық тыныштықты қамтамасыз ету қажет.

дәрігер келгенге дейін, тіпті өл-ауқаттың жақсаруы айқын болса да, зардал шегушіні жалғыз қалдыруға (назардан тыс қалдыруға) болмайды;

18) жылан мен улы жәндіктер шаққан кезде:

жарадан уды мүмкіндігінше тезірек сорып алу (көмек беруші үшін бұл процедура қауіпті емес);

уланудың таралуын баяулату үшін зардал шегушінің қозғалуын шектеу;

көп мөлшерде сұж ішкізу;

зардал шегушіні медициналық ұйымға тек жатқан күйінде тасымалдауға болады;

мыналарды:

тістеген аяқ-қолға жгут салуға;

тістеген жерін күйдіруге;

уды жақсы шығару үшін тіліктер жасауға;

зардал шегушіге ішімдік беруге болмайды.

19) жануарлар тістеген кезде:

тістеген (тырналған) жердің айналасындағы теріні йодпен майлау;

заарсызданған таңғышты таңу;

зардал шегушіні құтырмаға қарсы егулер жасау үшін медициналық ұйымға жіберу қажет.

20) жәндіктер шағып алған кезде (бал аралар, ара):

бізгегін алып тастау;

ісіну орнына "сүйк" басу;

зардал шегушіге көп мөлшерде сусын беру;

жәндіктердің уына аллергиялық реакциялар кезінде зардал шегушіге димедролдың 1-2 таблеткасын және кордиаминнің 20-25 тамшысын берініз, зардал шегушіні жылы жылдытқыштармен жауып, шұғыл түрде медициналық ұйымға жеткізу;

демалысы бұзылып, жүрегі тоқтаған жағдайда жасанды дем беруді және жүректің сыртқы массажын жасау қажет;

зардал шегушіге алкоголь ішуге болмайды, өйткені ол тамырлардың өткізгіштігіне ықпал етеді, у жасушаларда сақталады, ісіну күшнейеді.

7. Мамандар келгенге дейін дәрігерге дейінгі реанимациялық іс-шараларды көрсету осы қағидалардың қосымшасына сәйкес жүргізіледі.

8. Дәрігерге дейінгі медициналық көмек көрсету кезінде бір мезгілде зардал шегуші туралы ақпарат науқастың тұрғылықты жері бойынша медициналық мекемеге беріледі.

Дәрігерге дейінгі медициналық
көмек көрсету қағидаларына
қосымша

Дәрігерге дейінгі реанимациялық іс-шаралар

Iс-шаралар

	<p>1. Есін жоғалту, үйқы артерияларында пульстің болмауы, қалыпты тыныс алудың болмауы немесе тырыспа, дұрыс тыныс алмау сияқты белгілердің болуымен сипатталатын жүрек қызметінің тоқтап қалуы жүректің сыртқы массажын жасау үшін көрсеткіш болып табылады. Жүрек тоқтаған кезде, бір секундты жоғалтпай, зардал шегушіні тегіс, қатты негізге: орындықка, еденге жатқызу қажет, тым болмаганда арқанын астына тақтай қою қажет.</p> <p>2. Егер бір адам көрсетсе, ол зардал шегушінің бүйір жағынан келіп, оның үстіне еңкейіп, бір қолдың алақанын кеуденің тәменгі жартысына қояды (кеуденің жогарғы жағына, ішке және кеуде куысының бүйір беттеріне басуға болмайды). Екінші қолдың алақанын бірінші қолдың үстіне қойып, тәменгі алақанның саусақтарын құлыптаپ, тәменгі алақанның саусақтарын кеуденің бүйір бетіне батпайтындағы етіп көтеріңіз. Өз дene корпұсымен еңкейген түрде көкіректі басу қажет. Басу кезінде қолдар шынтақ буындарында түзетілуі тиіс.</p> <p>3. Кеудені 5-6 см терендікке басу үшін тез жылдам қимылдар жасау қажет (балаларда 4-5 см; нәрестелерде кеуде куысының терендігінен шамамен 1/3). Басу жиілігі бір минутта 100-120 басу жылдамдығымен жүргізуі тиіс (ұзактығы 0,5 с аспайды, жекелеген басу арасындағы аралық 0,5 с аспайды).</p> <p>4. Узілістер кезінде қолдар кеудеден алынбайды (егер екі адам көрсетсе), саусақтар көтерілген күйде қалады, қолдар шынтақ буындарында толығымен түзетіледі.</p> <p>5. Егер бір адам тірілту шараларын жүзеге асырса, онда кеудеге 30 қысым жасағаннан кейін 2 жасанды тыныс беру қажет, содан кейін қайтадан 30 қысым жасап, 2 дем беруді және басқаларын қайталау қажет. Минутына 100-120 қысым және 10-12 ұрлеу жасау қажет, сондықтан реанимация шараларының қарқыны жоғары болуы қажет. Кеуде куысына қысымды 10 секундтан артық уақытқа тоқтатуға болмайды.</p> <p>6. Егер көмекті екі немесе одан да көп адам көрсетсе, онда балаларда кеуде куысына басу мен жасанды дем беру арақтынасы 15:2 болуы қажет, яғни әрбір 15 қысымнан кейін 2 жасанды дем беру қажет. Ересектерде алгоритм бірдей болып қалады – 30:2, қанша адамға көрсетуіне қарамастан. Компрессорды шамамен алғанда әрбір 2 минут сайын алмастыру ұсынылады.</p> <p>7. Сыртқы жүрек массажы және жасанды дем беру қажеттілігі:</p> <ul style="list-style-type: none"> ● зардал шегушіде өмірдің айқын белгілері пайда болғанға дейін (есін қалпына келтіру, өзінің тұрақты тыныс алудың және жүрек жұмысы); ● зардал шегушіні медициналық персоналға бергенге дейін; ресурстар болғанға дейін (физикалық мүмкіндіктер).
Жасанды дем беру	<p>1. Тәжірибе көрсететіндей, ең көп уақыт жасанды дем беруге кетеді. Ұрлеу уақытын созып жіберуге болмайды: зардал шегушінің кеудесі кеңейген кезде оны тоқтату қажет. Әр тыныс алудың ұзақтығы шамамен 1 секунд болуы қажет, ая өкпеден кері шығуы үшін шамамен бірдей. Қысым мен жасанды тыныс қатынасы - 30:2 қатаң сақталуы тиіс.</p> <p>2. Жасанды дем беру, сондай-ақ, зардал шеккен адам тыныс алмаған немесе өте нашар дем алған жағдайда (сирек, конвульсиялық, өксіп жылау сияқты) және/немесе оның тыныс алудың қандай да бір себеп бойынша тұрақты түрде нашарласа: ток соғу, улану, суға бату және басқалары. Жасанды дем берудің ең тиімді әдісі – "ауыздан ауызга" немесе "ауыздан мұрынға" әдісі, өйткені бұл шара зардал шегушінің өкпесіне жеткілікті мөлшерде ая ағынын қамтамасыз етеді.</p>

3. "Ауыздан ауызға" немесе "ауыздан мұрынға" дем беру тәсілі зардап шегушінің тыныс алу жолдарына күшпен берілетін және зардап шегушінің тыныс алуына физиологиялық түргыдан жарамды көмек көрсетуші дем шығаратын ауаны қолдануга негізделген. Ауаны дәке, орамал арқылы үрлеуге болады. Жасанды дем берудің бұл әдісі үрлеуден кейін кеуде күсының кеңеюінен және пассивті дем шығару нәтижесінде оның төмендеуінен зардап шегушінің өкпесіне ауа ағынын бақылауды женілдетеді.
4. Жасанды дем беруді жүргізу үшін зардап шегушіні арқасына жатқызып, тынысын тарылтатын киімін шешіп, ес-түссіз күйде болғанда ішке қарай ойысқан тілімен жабылған жоғарғы тыныс алу жолдарының өткізгіштігін қамтамасыз ету қажет. Сонымен қатар, ауыз күсында бөгде заттар болуы мүмкін (кұсу массасы, құм, тұнба, шөп), оны зардап шегушінің басын бір жағына бұрып, орамалмен (шүберекпен) немесе таңғышпен оралған сұқ саусағызызбен алғып тастау қажет.
5. Осыдан кейін көмек көрсетуші зардап шегушінің басының бүйір жағында орналасады, бір қолының алақанын зардап шегушінің маңдайына қояды, екінші қолының екі саусағымен зардап шегушінің төменгі жақ сүйегін жоғары қарай көтеріп, басын артқа қарай бұрады (артқа еңкейтеді) (мойын омыртқасының жарақатына құдік болған жағдайда зардап шегушінің басын арқа қарай еңкейтуге; балалардың басын қатты бұруға болмайды). Бұл жағдайда тілдің түбір жағы көтеріліп, көмейге кіру жолын босатады, ал зардап шегушінің аузы ашылады. Көмек беруші зардап шегушінің бетіне қарай еңкейіп, зардап шегушінің ашық аузын еріндерімен толығымен мықтап жауып, қалыпты дем береді, кішкене қысыммен ауызға ауа жібереді; бір уақытта ол зардап шегушінің мұрның маңдайында орналасқан саусақтарымен жабады. Бұл жағдайда зардап шегушінің кеудесін бақылау қажет, ол шамамен 1 см көтерілуі тиіс. Кеуде көтерілгеннен кейін ауа айдау тоқтатылады, көмек көрсететін адам басын көтереді, зардап шегушіде пассивті дем алу пайда болады.
6. Егер зардап шегушінің пульсі жақсы анықталса және тек жасанды тыныс алу қажет болса, онда жасанды тыныс алу арасындағы интервал 5-6 секунд болуы қажет, бұл минутына 10-12 рет тыныс алу жиілігіне сәйкес келеді.
7. Жасанды дем беру кезінде көмек көрсетуші үрленетін ауаның зардап шегушінің асқазанына емес, өкпесіне түсін қадағалауы тиіс. Ауа асқазанға түссе, бұны "көкірек маңындағы" іш құсынының көтерілуінен көруге болады, бұл ретте кеуде мен кіндік арасындағы аумаққа алақанмен байқап басу қажет. Бұл жағдайда құсық пайда болуы мүмкін, сондықтан зардап шегушінің басы мен иықтарын аузы мен жұтқыншағын тазарту үшін бір жағына (жақсырақ солға) бұру қажет.
8. Егер зардап шегушінің жағы мықтап қысылып, аузын ашу мүмкін болмаса, "аузынан мұрынға" жасанды дем беру қажет.
9. Кішкентай балаларға ауаны бір уақытта аузына және мұрнына үрлейді. Бала неғұрлым жас болса, оған дем алу үшін соғұрлым аз ауа қажет болады және ересек адамға қарағанда жиі үрлеу қажет (минутына 15-18 рет).
10. Зардап шегушіде алғашқы әлсіз тыныс пайда болған кезде, жасанды дем беру оның тәуелсіз тыныс алу сәтіне сәйкес келеді.
11. Зардап шегушіде жеткілікті терен және ырғакты тәуелсіз тыныс алу қалпына келтірлгеннен кейін жасанды дем беру тоқтатылады.
12. Зардап шегушіге көмек көрсетуден бас тартуга және тыныс алу немесе пульс сияқты өмір белгілері болмаган кезде оны өлді деп санауга болмайды. Тек медицина қызметкері ғана зардап шегушінің өлімі туралы қорытынды жасауга құқылы.
13. Егер қандай да бір себептермен сіз жасанды дем бере алмасаңыз, негізгі реанимация кезінде тек кеудеге қысым жасаңыз (үздіксіз).

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК